

Na osnovu člana 72. stav (3) tačka a) Zakona o javnim nabavkama („Službeni glasnik BiH“, broj: 39/14), Pomoćnik gradonačelnika za Službu za komunalne poslove, izgradnju i poslove mjesnih zajednica, donosi

**ODLUKU
o dodjeli ugovora drugorangiranom ponuđaču**

Član 1.

Ugovor za nabavku radova na projektu energetske efikasnosti na objektu doma kulture Gornja Tuzla, dodjeljuje se drugorangiranom ponuđaču „RASIMGRADNJA“ DOO GRADAČAC, u skladu sa svojom ponudom i ponuđenom cijenom od 60.200,00 KM bez PDV-a odnosno 70.434,00 KM sa uračunatim iznosom PDV-a, a nakon što najpovoljniji ponuđač nije, u ostavljenom roku, dostavio traženu dokumentaciju iz člana 45. Zakona o javnim nabavkama.

Član 2.

Ovom odlukom stavlja se van snage Odluka o izboru najpovoljnijeg ponuđača broj: 05/11-A-010404-2020 od 28.09.2020.godine kojom se ugovor za nabavku radova na projektu energetske efikasnosti na objektu doma kulture Gornja Tuzla, dodjeljuje ponuđaču „TOM-CAT“ DOO TUZLA.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 05/11-A-010404-2020 od 02.09.2020.godine.

Postupak nabavke je proveden putem otvorenog postupka za koji je objavljeno Obavještenje o nabavci broj: 1004-1-3-99-3-176/20 objavljeno na Portalu javnih nabavki dana 04.09.2020.godine.

Postupak nabavke provela je Komisija za nabavke imenovana Rješenjem broj: 05/11-A-010404-2020 od 02.09.2020.godine.

U toku postupka javne nabavke Komisija je zaprimila pristiglu ponudu, izvršila njeno otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je slijedeće:

- da je ukupan broj pristiglih ponuda 9 (devet);
- da je blagovremeno zaprimljeno 9 (devet) ponuda;
- da nije bilo neblagovremenih ponuda;
- da nije bilo neprihvatljivih ponuda.

Svi ponuđači su obaviješteni o rezultatima postupka nabavke, te je najpovoljniji ponuđač pozvan da dostavi dokumentaciju iz člana 45. Zakona o javnim u roku od 7 dana od dana prijema obavještenja o rezultatima postupka.

Obzirom da je izabrani ponuđač „TOM-CAT“ DOO TUZLA do predviđenog roka za dostavu tražene dokumentacije iz člana 45. Zakona o javnim nabavkama propusito dostaviti istu, ugovorni organ je postupio u skladu sa članom 72. stav (3) tačka a). Zakona o javnim nabavkama i ugovor dodijelio drugorangiranom ponuđaču kao što je i navedeno u članu 1. ove odluke.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove odluke.

**Bosna i Hercegovina
Federacija Bosne i Hercegovine
Tuzlanski kanton
GRAD TUZLA
Služba za komunalne poslove, izgradnju
i poslove mjesnih zajednica
Broj: 05/11-A-010404-2020
Datum, 19.10.2020.godine**

**Pomoćnik gradonačelnika za Službu za
komunalne poslove, izgradnju i poslove mjesnih zajednica**

mr.sc. Mirela Uljić, dipl.ing.grad.